

weiter gehort hat. Auch thu ich e. f. g. zuwissen. Das ich e. f. g. Brif demuttiglichen entfangenn habe. Vnd auch widerumb e. f. g. bei her hans harms allenthalbenn tzwentboetenn Vnd auf gedenchnisse gegeben Habe hoffende. Das e. f. g. her is allenthalbenn dinstlichenn underrichtet hot. Derwicht⁴⁾ des Bleyes halbenn.

Auch will mann sagenn das Khonnigk karsten auß Dennemarckenn vnd Severin nordebur etwas noch begerenn vnd willenn anfangenn zu kryge widder das lobliche Reich zu Dennemarckenn vnd Norwegen. — Vnd hoffe das sey abgotwil wenigk aber nichts außrichtenn offte schaffenn werdenn ab got will. — Auch thu ich e. f. g. dinstbarlichenn tzuw[iss]⁵⁾enn wye ich höre sagende. Das in dem lo[e]blichenn Reiche zu Schwedenn nu soll sein ein offrur. Wie mann sagt des neuen euangeliums vnd wesens halbenn. do denne etzliche hernn vnd Paurenn etc. Nicht woll Inne czw fryde seynn. Vnd Begernn noch denn altenn gelawbenn vnd Cermonien zuhalten vnd bey zubleybenn. Wie den das e. f. g. flicht⁶⁾ woll weiter gehort hat. — Vnd wie denn allenthalbenn. das vnd dem gleich ich etwas guttes herenn werde. das e. f. g. mocht zu notz vnd frommen seyn das will ich vngespart: e: f: g. gern zu wissenn thun ab got will. dem ich e: f: g: zu langenn tagenn seligk vnd gesundt befele. geschriebenn zu dantzke am tage der heiligenn dreyfaltigkeit. Anno d. 29.

Item die last kornn gylt hir XXIIII mr. die last Saltz XXVI mr. Vnd wirdt alle tage lieber Barenclaw⁶⁾ Asche XII mr. pech XII mr. teer IX mr. weytze XV marck Gerste XV mr. ock XVI: haber XI mr. Wagenschos vnd klapholtz gylt. dornoch is gut ist hir zur Bracke⁷⁾ zugeweren frey. Item des gewandes halbenn fiolnn farbe hat her erbert Rokke vnd ich gantz williglichen bey Idermann außzufragenn vnd zu koefenn e. f. g: Zu liebe vnd wolgefallen vnd noch keynenn fleys in dem vnd in einem vil grossern nicht sparenn willenn. Abgot will.

E. [F.]⁸⁾ G.

Gutwilliger

Jacob Kampe.

A.-V. Neue Zeytung hot Jacob Kamp m. g. H. zugeschriben. 1529.

4) Gewicht.

5) vielleicht.

6) Bärenklaue, eine Art Waidasche, die man aus Königsberg bezieht.

Vgl. Schedel „Waarenlexic.“ I S. 54.

7) Ausschuß.